



Ruj. Kami: JPA(I)S.179/17/2-6 Klt.2 (17)
Tarikh : 14 September 2012

Ketua-Ketua Setiausaha Kementerian

Setiausaha-Setiausaha Kerajaan Negeri

Ketua-Ketua Jabatan/Ketua Perkhidmatan Persekutuan

Ketua-Ketua Badan Berkanun dan Pihak Berkuasa Tempatan

YBhg. Tan Sri/Puan Sri/Datuk/Dato'/Datin/Tuan/Puan,

**PELAWAAN KEMUDAHAN PINJAMAN BOLEH UBAH SESI 2012/2013
UNTUK PEGAWAI KUMPULAN PELAKSANA YANG MENGIKUTI
PENGAJIAN DI PERINGKAT DIPLOMA ATAU IJAZAH PERTAMA**

Dengan hormatnya saya merujuk kepada perkara di atas.

2. Sukacita dimaklumkan bahawa pegawai-pegawai **Kumpulan Pelaksana** yang mengikuti pengajian di peringkat Diploma atau Ijazah Pertama adalah dipelawa untuk memohon kemudahan Pinjaman Boleh Ubah (PBU) bagi Sesi Pengajian 2012/2013. Untuk pengajian sepanjang masa, penajaan yang ditawarkan adalah **Cuti Belajar Separuh Gaji (CBSG)** dan **PBU**, manakala bagi pengajian separuh masa, hanya **PBU** yang ditawarkan.

3. Pelawaan ini tidak meliputi Kementerian/ Jabatan/ Agensi yang mempunyai peruntukan sendiri untuk mengendalikan kursus di peringkat Diploma/ Ijazah Pertama atau agensi yang mempunyai badan penaja yang lain. Antara Kementerian/Jabatan/Agensi yang dimaksudkan ialah **Kementerian Pelajaran Malaysia** (bagi **Pegawai-Pegawai Perkhidmatan Pendidikan**),

Kementerian Pertahanan Malaysia (bagi Pegawai-Pegawai Perkhidmatan Angkatan Tentera Malaysia), dan Agensi/ Badan Berkanun yang telah diswastakan/ dikorporatkan/ diasingkan sistem saraannya. Bagi perkhidmatan-perkhidmatan tersebut, kemudahan cuti belajar dan PBU adalah diuruskan oleh Kementerian/ Jabatan/ Agensi masing-masing.

4. Syarat-syarat Kelayakan

Pegawai yang memohon hendaklah memenuhi syarat-syarat berikut:

- (i) Pegawai Kerajaan Kumpulan Pelaksana yang sedang berkhidmat dalam perkhidmatan tetap;
- (ii) Telah **disahkan dalam skim perkhidmatan terkini pada tarikh tutup permohonan**;
- (iii) Pegawai berumur **tidak melebihi 40 tahun pada 1 Januari 2012**;
- (iv) Mencapai markah Laporan Nilaian Prestasi Tahunan (LNPT) **purata 85 markah ke atas bagi tempoh genap 3 tahun perkhidmatan terkini berturut-turut (2009, 2010 & 2011)**. Penilaian setahun LNPT genap **12 bulan**;
- (v) **Telah menerima tawaran untuk mengikuti pengajian di peringkat Diploma atau Ijazah Pertama secara sepenuh masa atau separuh masa di IPTA tempatan**;
- (vi) **Telah menerima tawaran dan memulakan pengajian** di peringkat Diploma atau Ijazah Sarjana Muda pada tahun 2012 secara separuh masa atau sepenuh masa di Institut Pengajian Tinggi Awam (IPTA) tempatan;
atau
Sedang mengikuti pengajian di peringkat Diploma atau Ijazah Sarjana Muda pada tahun 2012 secara separuh masa atau sepenuh masa di IPTA tempatan, dengan syarat masih mempunyai **sekurang-kurangnya baki tiga (3) semester** pada tarikh tutup permohonan;
- (vii) Telah mendapat kelulusan Cuti Belajar Separuh Gaji (untuk pengajian sepenuh masa) atau kelulusan melanjutkan pelajaran secara separuh masa daripada Ketua Jabatan/Ketua Perkhidmatan (untuk pengajian separuh masa);
- (viii) Telah menyelesaikan atau sedang membuat pembayaran balik Pinjaman JPA secara ansuran (sekiranya berkaitan);

- (ix) Mengikuti pengajian dalam **bidang yang diiktiraf oleh Kerajaan**. Semakan bidang-bidang yang diiktiraf boleh dibuat di portal e-SISRAF iaitu <http://pengiktirafan.jpa.gov.my>. Keutamaan akan diberikan kepada bidang Sains dan Teknologi serta bidang yang diperlukan untuk kepentingan perkhidmatan;
- (x) Bersih daripada pertuduhan tindakan tatatertib dan bebas daripada dakwaan Mahkamah;
- (xi) Telah mengisyiharkan harta;
- (xii) Tidak tersenarai dalam senarai hitam JPA; dan
- (xiii) Mengikuti pengajian di peringkat yang lebih tinggi daripada kelayakan akademik sedia ada yang dimiliki pegawai.

5. Elaun dan Kemudahan Yang Ditawarkan

Calon-calon yang ditawarkan CBSG+PBU atau PBU sahaja akan menerima kemudahan-kemudahan seperti yang berikut:

PERINGKAT	CBSG+PBU	PBU
DIPLOMA	Yuran Pengajian Elaun Sara Hidup - RM 4,100.00 setahun (maksimum 3 tahun)	Yuran Pengajian (maksimum 4 tahun)
IJAZAH PERTAMA	Yuran Pengajian Elaun Sara Hidup - RM 4,700.00 setahun (maksimum 3 tahun)	Yuran Pengajian (maksimum 4 tahun)

6. Tatacara Permohonan / Pencalonan

6.1 Tanggungjawab pegawai

- 6.1.1 Pegawai-pegawai yang berminat hendaklah mengisi borang permohonan PBU secara dalam talian di portal JPA

akan dibuka mulai **14 September 2012 sehingga 12 Oktober 2012**.

- 6.1.2 Borang permohonan PBU yang telah lengkap diisi hendaklah dimuat turun dan dicetak untuk dihantar kepada Ketua Jabatan/Ketua Perkhidmatan masing-masing dengan disertakan bersama-sama:
- (i) Salinan Surat Tawaran kemasukan ke institusi;
 - (ii) Salinan slip pendaftaran/ Surat pengesahan pendaftaran kemasukan ke institusi;
 - (iii) Borang Maklumat Ringkas Pengajian (yang dilengkапkan oleh pihak institusi pengajian seperti di **LAMPIRAN A**);
 - (iv) Borang Perakuan Ketua Jabatan (yang dilengkapan oleh Ketua Jabatan/Ketua Perkhidmatan seperti di **LAMPIRAN B**);
 - (v) Salinan Pengiktirafan Kelayakan yang dicetak daripada portal e-SISRAF iaitu <http://pengiktirafan.jpa.gov.my>; dan
 - (vi) Salinan surat kelulusan Cuti Belajar Separuh Gaji (untuk pengajian sepenuh masa) atau kelulusan melanjutkan pengajian secara separuh masa daripada Ketua Jabatan/Ketua Perkhidmatan (untuk pengajian separuh masa).
- 6.1.3 Permohonan dengan **dokumen yang tidak lengkap dan tidak dikemukakan melalui Ketua Jabatan/Ketua Perkhidmatan serta tidak memenuhi syarat kelayakan yang ditetapkan** tidak akan diproses untuk tujuan pertimbangan.

6.2 Tanggungjawab Ketua Jabatan / Ketua Perkhidmatan.

- 6.2.1 Ketua Jabatan/Ketua Perkhidmatan adalah dinasihatkan supaya membuat semakan yang teliti dan memberi sepenuh perhatian kepada syarat-syarat yang ditetapkan. Sehubungan itu, adalah menjadi tanggungjawab Ketua Jabatan/Ketua Perkhidmatan untuk memperakukan pegawai-pegawai yang sesuai kepada Jabatan ini selewat-lewatnya **25 Oktober 2012**. Hanya pencalonan yang disokong dan diperakukan oleh Ketua Jabatan/Ketua Perkhidmatan sahaja yang perlu dikemukakan kepada Jabatan ini. Perakuan pencalonan mestilah dikemukakan bersama-sama **dokumen-dokumen di Perenggan 6.1.2**.

7. Maklumat Tambahan

- 7.1 Permohonan bagi kemudahan PBU bukanlah sebahagian daripada permohonan CBSG. Sehubungan dengan itu, permohonan untuk PBU hendaklah dibuat secara berasingan daripada permohonan CBSG.
- 7.2 Kelulusan CBSG tidak menjamin pemohon untuk diluluskan PBU. Penentuan kelulusan adalah bergantung pada syarat-syarat yang telah ditetapkan.
- 7.3 Pemohon yang mengikuti pengajian secara separuh masa tidak perlu mendapatkan kelulusan daripada JPA. Kelulusan untuk mengikuti pengajian adalah tertakluk kepada Ketua Jabatan/Ketua Perkhidmatan.

8. Tarikh Tutup Permohonan / Pencalonan

- 8.1 Tarikh tutup permohonan *online* bagi pegawai yang ingin memohon adalah pada **12 Oktober 2012**.
 - 8.2 Tarikh tutup pencalonan oleh Ketua Jabatan/Ketua Perkhidmatan adalah pada **25 Oktober 2012**.
 - 8.3 Keputusan calon – calon yang berjaya akan diumumkan di laman web rasmi JPA iaitu www.jpa.gov.my atau <http://esilav2.jpa.gov.my> pada **14 Disember 2012**.
 - 8.4 Segala keputusan permohonan adalah muktamad dan sebarang rayuan tidak akan dipertimbangkan.
9. Permohonan yang lengkap hendaklah dikemukakan melalui Ketua Jabatan/Ketua Perkhidmatan sebelum dihantar kepada:

Ketua Pengarah Perkhidmatan Awam
Jabatan Perkhidmatan Awam Malaysia
Bahagian Pembangunan Modal Insan
Aras 3, Blok C1, Kompleks C
Pusat Pentadbiran Kerajaan Persekutuan
62510 PUTRAJAYA
(u.p. Unit Penawaran Latihan Dalam Perkhidmatan)

Semua pertanyaan atau kemosyikilan dalam urusan ini, sila hubungi:

Unit Penawaran Latihan Dalam Perkhidmatan

No. Telefon : 03 - 88853546

No. Faks : 03 - 88892171

Emel : ldp@jpa.gov.my

10. Kerjasama yang diberikan oleh pihak YBhg. Tan Sri/Puan Sri/Datuk/Dato'/Datin/Tuan/Puan didahului dengan ucapan terima kasih.

Sekian.

"BERKHIDMAT UNTUK NEGARA"

Saya yang menurut perintah,

(REDHAUDDIN BIN KAMARUZAMAN)
Bahagian Pembangunan Modal Insan
b.p Ketua Pengarah Perkhidmatan Awam
MALAYSIA.